



ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ  
Հ Ր Ա Մ Ա Ն

« 21 » « հոկտեմբեր » 2022 թ. № 363-ձ

ՇՐՋԱԿԱ ՄԻՋԱՎԱՅՐԻ ՆԱԽԱՐԱՐՈՒԹՅԱՆ «ԶՎԱՐԹՆՈՑ»  
ԱՎԻԱՕԴԵՐԵՎՈՒԹԱԲԱՆԱԿԱՆ ԿԵՆՏՐՈՆ ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ՆՈՐ  
ԽՄԲԱԳՐՈՒԹՅԱՄԲ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Բաժնետիրական ընկերությունների մասին» Հայաստանի  
Հանրապետության օրենքի 67-րդ հոդվածի 1-ին մասի 1-ին կետով և վարչապետի 2018 թվականի  
հունիսի 11-ի N745-Լ որոշման հավելվածի 18-րդ կետի 20-րդ ենթակետով.

Հ Ր Ա Մ Ա Յ ՈՒ Մ Ե Մ

1. Հաստատել շրջակա միջավայրի նախարարության «Զվարթնոց»  
ավիաօդերևութաբանական կենտրոն փակ բաժնետիրական ընկերության նոր  
խմբագրությամբ կանոնադրությունը՝ համաձայն հավելվածի:

Հ. ՍԻՄԻԴՅԱՆ

10/21/2022

X

ՀԱԿՈՒ ՍԻՄԻԴՅԱՆ

Signed by: SIMIDYAN HAKOB 3004840588

« 21 » « հոկտեմբեր » 2022 թ.  
ք. Երևան

Կազմված է « 21 » « 10 » 2022թ.  
Բաղկացած է 17 թերթից:

Տպագրված է ընդամենը 2 օրինակ  
օրինակ 1

ՀԱՍՏԱՑՎԱԾ Է  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՇՐՋԱԿԱ ՄԻՋԱԿԱՅՐԻ ՆԱԽԱՐԱՐԻ  
2022 ԹՎԱԿԱՆԻ հոկտեմբեր 10  
« 21 »-ի N 23 ՀՐԱՄԱՆԻ ՀԱՄԱՁԱՅՆ



Հ.ՍԻՄԻԴՅԱՆ

ԳՐԱՆՑՎԱԾ Է  
ՀՀ ՁԵՌՆԱՐԿՈՒԹՅՈՒՆՆԵՐԻ  
ՊԵՏԱԿԱՆ ՌԵԳԻՍՏՐԻ ԿՈՂՄԻՑ  
20.06.1995թ.  
ԳՐԱՆՑՄԱՆ ԹԻՎԸ՝ 271.140.00494  
ՀՎՀՀ՝ 01201217  
20.06.2007թ. ԳՐԱՆՑՎԱԾ  
ԿԱՆՈՆԱԴՐՈՒԹՅԱՆ ԹԻՎ 01.2  
ՓՈՓՈԽՈՒԹՅՈՒՆԸ ԳՐԱՆՑՎԱԾ Է  
ԻՐԱՎԱԲԱՆԱԿԱՆ ԱՆՁԱՆՑ  
ՊԵՏԱԿԱՆ ՌԵԳԻՍՏՐԻ  
ԳՐՈՑԱԿԱԼՈՒԹՅԱՆ ԿՈՂՄԻՑ



« 21 » 10 2022թ.  
Ս. Սիմյան

«ԶՎԱՐԹՆՈՅ» ԱՎԻԱՕԴԵՐԵՎՈՒԹԱԲԱՆԱԿԱՆ ԿԵՆՏՐՈՆ  
ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

Կ Ա Ն Ո Ն Ա Դ Ր ՈՒ Թ Յ ՈՒ Ն  
(Նոր խմբագրություն)

Ք.ԵՐԵՎԱՆ  
2022թ.



# 1. ԸՆԴՀԱՆՈՒՐ ԴՐՈՒՅԹՆԵՐ

1. «ԶՎԱՐԹՆՈՑ» ԱՎԻԱՕԴԵՐԵՎՈՒԹԱԲԱՆԱԿԱՆ ԿԵՆՏՐՈՆ փակ բաժնետիրական ընկերությունը (այսուհետ՝ Ընկերություն) համարվում է շահույթ ստանալու նպատակով հիմնադրված առևտրային կազմակերպություն հանդիսացող իրավաբանական անձ, որի կանոնադրական կապիտալը բաժանված է ընկերության նկատմամբ բաժնետերերի պարտավորական իրավունքը հավաստիացնող որոշակի թվով բաժնետոմսերի:
  - 1) Ընկերությունը հանդիսանում է «ԶՎԱՐԹՆՈՑ» ԱՎԻԱՕԴԵՐԵՎՈՒԹԱԲԱՆԱԿԱՆ ԿԵՆՏՐՈՆ պետական փակ բաժնետիրական ընկերության իրավահաջորդը (անվանման փոփոխություն՝ Հայաստանի Հանրապետության բնապահպանության նախարարի 04.06.2007 թվականի N 141-Ա որոշման համաձայն):
  - 2) Ընկերությունը Հայաստանի Հանրապետության կառավարության 2009 թվականի հուլիսի 9-ի «ՀԻԴՐՈՍԵՏՍՊԱՍԱՐԿՈՒՄ» փակ բաժնետիրական ընկերությունը վերակազմակերպելու մասին N 752-Ա որոշման համաձայն վերակազմակերպվել է «ՀԻԴՐՈՍԵՏՍՊԱՍԱՐԿՈՒՄ» պետական փակ բաժնետիրական ընկերությունը (գրանցված է Հայաստանի Հանրապետության ձեռնարկությունների պետական ռեգիստրի կողմից 09.02.1996 թվականին, գրանցման թիվ՝ 286.140.01956 վկայական՝ 01 Ա 022930, գտնվելու վայրը՝ Հայաստանի Հանրապետություն, ք. Երևան, Լեռնի փողոց, թիվ 54) նրան միացման ճանապարհով և հանդիսանում է նրա իրավահաջորդը՝ փոխանցման ակտին համապատասխան:
  - 3) «ԶՎԱՐԹՆՈՑ» ԱՎԻԱՕԴԵՐԵՎՈՒԹԱԲԱՆԱԿԱՆ ԿԵՆՏՐՈՆ պետական փակ բաժնետիրական ընկերությունը ստեղծվել է Հայաստանի Հանրապետության պետական կառավարման լիազորված մարմնի՝ Հայաստանի Հանրապետության հիդրոօդերևութաբանության վարչության 1998 թվականի հունիսի 30-ի N 33 հրամանի համաձայն Հայաստանի Հանրապետության հիդրոօդերևութաբանության վարչության «ԶՎԱՐԹՆՈՑ» ԱՎԻԱՕԴԵՐԵՎՈՒԹԱԲԱՆԱԿԱՆ ԿԵՆՏՐՈՆ» պետական ձեռնարկության վերակազմավորման ճանապարհով վերակազմակերպման արդյունքում և հանդիսանում է նրա իրավահաջորդը:
5. Համաձայն Հայաստանի Հանրապետության կառավարության 2007 թվականի ապրիլի 19-ի N 466-Ա որոշման՝ Ընկերության Հայաստանի Հանրապետության սեփականությունը հանդիսացող բաժնետոմսերի կառավարման լիազորությունը վերապահել Հայաստանի Հանրապետության շրջակա միջավայրի նախարարությանը:
6. Ընկերության իրավունակությունը ծագում է նրա ստեղծման (պետական գրանցման) և դադարում է լուծարման ավարտի (լուծարման մասին պետական գրանցամատյանում գրառման) պահից:
7. Ընկերության գործունեությունը կարգավորվում է Հայաստանի Հանրապետության Քաղաքացիական Օրենսգրքով (այսուհետ՝ Օրենսգիրք), «Բաժնետիրական



ընկերությունների մասին» Հայաստանի Հանրապետության օրենքով (այսուհետ՝ Օրենք), այլ իրավական ակտերով և սույն կանոնադրությամբ:

8. Եթե Հայաստանի Հանրապետության միջազգային պայմանագրերով սահմանված են բաժնետիրական ընկերությունների գործունեությունը կարգավորող այլ նորմեր, քան բովանդակում է սույն կանոնադրությունը, ապա կիրառվում են միջազգային պայմանագրերի նորմերը:
9. Բաժնետիրոջ (Լիազորված մարմնի) և Ընկերության միջև հարաբերությունները կարգավորվում են Օրենքով և սույն կանոնադրությամբ:
10. Ընկերությունն իր պարտավորությունների համար պատասխանատու է իրեն պատկանող ամբողջ գույքով: Ընկերությունը պատասխանատու չէ բաժնետիրոջ պարտավորությունների համար:
11. Ընկերության բաժնետերը Ընկերության պարտավորությունների համար պատասխանատվություն չի կրում և իրեն պատկանող բաժնետոմսերի արժեքի սահմաններում կրում է Ընկերության գործունեության հետ կապված վնասների ռիսկը:
12. Պետությունը և համայնքները պատասխանատվություն չեն կրում Ընկերության պարտավորությունների համար: Ընկերությունը պատասխանատվություն չի կրում պետության և համայնքների պարտավորությունների համար:
13. Ընկերության ֆիրմային անվանումն է՝
  - 1) հայերեն լրիվ՝ «ԶՎԱՐԹՆՈՅ» ԱՎԻԱՕԴԵՐԵՎՈՒԹԱԲԱՆԱԿԱՆ ԿԵՆՏՐՈՆ փակ բաժնետիրական ընկերություն,
  - 2) կրճատ՝ «ԶՎԱՐԹՆՈՅ» ԱՎԻԱՕԴԵՐԵՎՈՒԹԱԲԱՆԱԿԱՆ ԿԵՆՏՐՈՆ ՓԲԸ,
  - 3) ռուսերեն լրիվ՝ Закрытое акционерное общество авиаметеорологический центр “ЗВАРТОЦ”,
  - 4) կրճատ՝ ЗАО АМЦ “ЗВАРТОЦ”,
  - 5) անգլերեն լրիվ՝ “ZVARTNOTS” aviameteorological centre closed joint-stock company,
  - 6) կրճատ՝ “ZVARTNOTS” AMC CJSC:
14. Ընկերության գտնվելու վայրը և իրավաբանական (փոստային) հասցեն է՝
  - 1) 0042, Հայաստանի Հանրապետություն, ք.Երևան, «Զվարթնոց» միջազգային օդանավակայան, նախկին ԲՍ համալիր թիվ 2:

## II. ԸՆԿԵՐՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ՈՒ ՆՊԱՏԱԿԸ

15. Ընկերության ստեղծման նպատակն է տնտեսական գործունեություն (այդ թվում՝ ավիաօդերևութաբանական ծառայություններ) իրականացնելու ճանապարհով շահույթի ստացումը:
16. Ընկերության կողմից իրականացվող ձեռնարկատիրական գործունեության հիմնական տեսակներն են՝
  - 1) ինքնաթիռների թռիչքների օդերևութաբանական սպասարկման իրականացում,
  - 2) աէրոսինոպտիկական նյութերի մշակում և վերլուծում,
  - 3) ամրակցված տարածքի եղանակի կանխատեսում,



- 4) ավիացիայի համար եղանակային վտանգավոր երևույթների առաջացման վերաբերյալ շտորմային նախազգուշացումների կազմում և դրանց ճշգրտումներ,
  - 5) թռչող անձնակազմերին օդերևութաբանական համապատասխան փաստաթղթերով ապահովում,
  - 6) օդանավակայանում փաստացի եղանակի դիտարկումների կատարում,
  - 7) ավիացիոն օդերևութաբանական հետազոտությունների իրականացում և եղանակի կանխատեսման նոր մեթոդների ներդրում:
17. Ընկերությունը կարող է իրականացնել նաև Հայաստանի Հանրապետության օրենսդրությամբ չարգելված ցանկացած այլ գործունեություն՝ Ընկերությունն ունի Օրենքով չարգելված գործունեության ցանկացած այլ տեսակներ իրականացնելու համար անհրաժեշտ քաղաքացիական իրավունքներ և կրում է այդ գործունեության հետ կապված քաղաքացիական պարտականություններ:
  18. Օրենքով սահմանված գործունեության առանձին տեսակներով Ընկերությունը կարող է զբաղվել միայն լիցենզիայի առկայության դեպքում՝ լիցենզիա ստանալու պահից կամ նրանում նշված ժամկետում: Եթե լիցենզիայի հատկացման պայմաններում նախատեսված է, որ Ընկերությունը բացի լիցենզավորվող գործունեությունից այլ գործունեությամբ զբաղվել չի կարող, կամ սահմանափակումներ են դրվում գործունեության առանձին տեսակներով զբաղվելու վրա, ապա Ընկերությունը լիցենզիայի գործողության ժամկետում իրավունք չունի զբաղվել այլ գործունեությամբ, բացառությամբ լիցենզիայով նախատեսվածների կամ այն գործունեություններով, որոնց մասին նշված է լիցենզիայի մեջ:
  19. Ընկերության իրավունքները կարող են սահմանափակվել միայն Օրենքով նախատեսված դեպքերում և Օրենքով սահմանված կարգով:

### III. ԸՆԿԵՐՈՒԹՅԱՆ ԻՐԱՎԱԿԱՆ ՎԻՃԱԿԸ, ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

20. Ընկերությունն առևտրային կազմակերպություն հանդիսացող իրավաբանական անձ է:
21. Ընկերությունը, որպես սեփականություն ունի առանձնացված գույք և իր պարտավորությունների համար պատասխանատու է այդ գույքով, կարող է իր անունից կնքել պայմանագրեր, ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:
22. Ընկերությունն ունի ինքնուրույն հաշվեկշիռ, Օրենքով սահմանված կարգով բացված բանկային հաշիվներ Հայաստանի Հանրապետության և օտարերկրյա պետությունների բանկերում, ինչպես Հայաստանի Հանրապետության, այնպես էլ արտարժույթով:
23. Ընկերությունն ունի Հայաստանի Հանրապետության զինանշանի պատկերը և իր ֆիրմային անվանումը (հայերեն, ռուսերեն և անգլերեն գրառումներով), ինչպես նաև Հայաստանի Հանրապետության կառավարության կողմից սահմանված այլ վավերապայմաններ պարունակող կլոր կնիք, դրոշմներ և ձևաթղթեր, ինչպես նաև



- խորհրդանիշ, Օրենքով սահմանված կարգով գրանցված ապրանքային, առևտրային և այլ նշաններ ու անհատականացնող այլ միջոցներ:
24. Ընկերությունն իրավունք չունի անցկացնել իր թողարկած բաժնետոմսերի բաց բաժանորդագրություն կամ անսահմանափակ թվով անձանց առաջարկել այլ կերպ ձեռք բերել դրանք:
25. Ընկերությունը կարող է լինել այլ ընկերության (այդ թվում՝ դուստր ու կախյալ) հիմնադիր, (մասնակից), բացառությամբ Օրենսգրքով, Օրենքով և այլ օրենքներով նախատեսված դեպքերի:
26. Օտարերկրյա պետություններում դուստր կամ կախյալ ընկերությունների հիմնադրումը կամ դրանցում մասնակցությունը կատարվում է դրանց գտնվելու վայրի երկրի օրենքներին և այլ իրավական ակտերին համապատասխան, եթե Հայաստանի Հանրապետության միջազգային պայմանագրերով այլ բան նախատեսված չէ:
27. Ընկերությունն իրավունք ունի սույն կանոնադրության դրույթների, Օրենսգրքի, Օրենքի և այլ իրավական ակտերի համաձայն ստեղծել առանձնացված ստորաբաժանումներ (մասնաճյուղեր և ներկայացուցչություններ), ինչպես Հայաստանի Հանրապետության, այնպես էլ այլ պետությունների տարածքում:
28. Կառավարչական, սոցիալ-մշակութային, կրթական կամ ոչ առևտրային բնույթի այլ գործունեություն իրականացնելու համար Ընկերությունը կարող է ստեղծել հիմնարկ:
29. Ընկերության առանձնացված ստորաբաժանումները և հիմնարկները իրավաբանական անձինք չեն և գործում են Ընկերության հաստատած կանոնադրությունների հիման վրա, իսկ նրանց ղեկավարները գործում են Ընկերության լիազորագրերի հիման վրա:
30. Ընկերությունն իրավունք ունի.
- 1) Հայաստանի Հանրապետության օրենսդրությամբ չարգելված բոլոր ձևերով ձեռք բերել գույք, այդ թվում՝ արժեթղթեր, տիրապետել, օգտագործել ու տնօրինել դրանք և դրանցից ստացված եկամուտը կամ այլ օգտակար արդյունքը,
  - 2) ինքնուրույն կազմավորել իր ֆինանսական ռեսուրսները, այդ թվում՝ փոխառու միջոցների ներգրավմամբ, Հայաստանի Հանրապետությունում և այլ պետություններում ստանալ բանկային և առևտրային վարկեր, այդ թվում՝ արտարժույթով,
  - 3) Հայաստանի Հանրապետության օրենսդրությամբ սահմանված կարգով իր անունից թողարկել և տարածել արժեթղթեր,
  - 4) Հայաստանի Հանրապետության օրենսդրությամբ սահմանված կարգով կնքել պայմանագրեր և կրել պարտավորություններ,
  - 5) ինքնուրույն ընտրել իր արտաքին տնտեսական գործունեության վարման կարգը, այն իրականացնել անմիջականորեն, առանց միջնորդի կամ այլ կազմակերպության միջոցով՝ նրա հետ մտնելով պայմանագրային հարաբերությունների մեջ,
  - 6) ունենալ միջոցներ արտարժույթով: Օրենսդրությամբ չարգելված բոլոր միջոցներով ձեռք բերել (այդ թվում՝ ստանալ որպես արտաքին տնտեսական գործունեության արդյունք) արտարժույթով միջոցներ և ինքնուրույն տնօրինել,



այդ թվում՝ վաճառել պետությանը, իրավաբանական անձանց և (կամ) ձեռնարկություններին, կազմակերպություններին կամ քաղաքացիներին,

- 7) օրենսդրությամբ սահմանված կարգով արտահանել և ներմուծել գույքի օբյեկտներ, ծառայություններ մատուցել և աշխատանքներ կատարել օտարերկրյա իրավաբանական անձանց և (կամ) ձեռնարկությունների, կազմակերպությունների և քաղաքացիների համար, օգտվել նրանց կատարած աշխատանքներից և մատուցած ծառայություններից, այլ պետություններում նրանց օրենսդրությանը համապատասխան իրականացնել ներդրումներ, ստեղծել իրավաբանական անձինք և (կամ) ձեռնարկություններ և անդամակցել իրավաբանական անձանց և (կամ) ձեռնարկությունների,
- 8) ինքնուրույն պլանավորել իր գործունեությունը, կատարվող աշխատանքների և մատուցվող ծառայությունների ծավալը, գները, իրենց մատակարարներին,
- 9) ձեռք բերել իր կողմից տեղաբաշխված բաժնետոմսերի մի մասը,
- 10) օգտվել օրենսդրությամբ և սույն կանոնադրությամբ սահմանված այլ իրավունքներից:

31. Ընկերությունը պարտավոր է.

- 1) Հայաստանի Հանրապետության օրենսդրությամբ և այլ իրավական ակտերով սահմանված կարգով վարել հաշվապահական հաշվառում և ներկայացնել ֆինանսական ու վիճակագրական հաշվետվություն.
- 2) Օրենքով նախատեսված դեպքերում ամեն տարի, ի գիտություն բոլորի, հրապարակել իր տարեկան հաշվետվությունը և հաշվապահական հաշվեկշիռը,
- 3) աշխատանքային պայմանագրեր կնքել Ընկերության աշխատակիցների հետ,
- 4) օրենսդրությամբ սահմանված կարգով հայտարարել Ընկերության սնանկացման մասին այն դեպքում, երբ հնարավոր չէ բավարարել պարտատերերի օրինական գույքային պահանջները,
- 5) ապահովել Ընկերության փաստաթղթերի (Ընկերության պետական գրանցման վկայականի, կանոնադրության, գույքի նկատմամբ գույքային իրավունքները հաստատող փաստաթղթերի, Ընկերության ներքին փաստաթղթերի, առանձնացված ստորաբաժանումների ու հիմնարկների կանոնադրությունների, տարեկան հաշվետվությունների, հաշվապահական հաշվառման փաստաթղթերի, կառավարման մարմինների նիստերի արձանագրությունների, կնքած պայմանագրերի, Հայաստանի Հանրապետության օրենքներով և այլ իրավական ակտերով նախատեսված այլ փաստաթղթերի) պահպանումն իր գտնվելու վայրում,
- 6) անհապաղ տեղեկություններ հրապարակել սահմանափակ պատասխանատվությամբ ընկերության կանոնադրական կապիտալի կամ բաժնետիրական ընկերության քվեարկող բաժնետոմսերի ավելի քան քսան տոկոսը ձեռք բերելու մասին,
- 7) կրել օրենսդրությամբ և սույն կանոնադրությամբ սահմանված այլ պարտավորություններ:



#### IV. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼ

32. Կանոնադրական կապիտալը սահմանվում է պարտատերերի շահերը երաշխավորող ընկերության գույքի նվազագույն չափը: Ընկերության կանոնադրական կապիտալը չի կարող պակաս լինել Օրենքով սահմանված չափից:
33. Ընկերության կանոնադրական կապիտալը կազմում է 55477800 (հիսունհինգ միլիոն չորս հարյուր յոթանասունյոթ հազար ութ հարյուր) դրամ, որը կազմում է 1813 հատ հասարակ (սովորական) անվանական բաժնետոմս, մեկ բաժնետոմսի անվանական արժեքը կազմում է 30600 դրամ:
34. Ընկերության կողմից թողարկված բոլոր 1813 բաժնետոմսերը տեղաբաշխված են, սեփականության իրավունքով պատկանում են Հայաստանի Հանրապետությանը և լրիվ վճարված են նրա կողմից:
35. Ընկերության բոլոր բաժնետոմսերը հասարակ (սովորական) են:
36. Ընկերությունը կարող է կանոնադրական կապիտալի չափը փոխել Ընկերության բաժնետերերի ընդհանուր ժողովի (այսուհետ՝ Ընդհանուր ժողով) որոշմամբ, որն ուժի մեջ է մտնում սույն կանոնադրության մեջ համապատասխան փոփոխություններ կատարելուց և Օրենքով և այլ իրավական ակտերով սահմանված կարգով գրանցելու պահից:
37. Ընկերության կանոնադրական կապիտալի չափը կարող է ավելացվել Ընկերության կողմից տեղաբաշխված բաժնետոմսերի անվանական արժեքի մեծացմամբ կամ լրացուցիչ բաժնետոմսերի տեղաբաշխմամբ, եթե նախկինում տեղաբաշխված բաժնետոմսերը լրիվ իրացված և վաճառված են:
38. Եթե նախկինում տեղաբաշխված բաժնետոմսերի արժեքի գումարը լրիվ վճարված չէ, ապա Ընկերությունն իր կանոնադրական կապիտալը չի կարող ավելացնել ֆինանսական միջոցների ներգրավման հաշվին:
39. Ընկերությունը չի կարող բաժնետոմսեր թողարկել իր տնտեսական գործունեությամբ առաջացած վնասները ծածկելու համար:
40. Ընկերությունն իր ամենամյա գործունեության ֆինանսական արդյունքներն ամփոփելուց հետո կարող է տեղաբաշխված բաժնետոմսերի անվանական արժեքի մեծացման միջոցով ավելացնել կանոնադրական կապիտալը՝
- 1) շահույթի մի մասը փոխանցելով կանոնադրական կապիտալ,
  - 2) իրեն պատկանող կանոնադրական կապիտալի և պահուստային կապիտալի գումարը գերազանցող գույքը (զուտ ակտիվները) կամ դրա մասը փոխանցելով կանոնադրական կապիտալ:
41. Ընկերության կանոնադրական կապիտալի չափի նվազեցումը կարող է կատարվել՝
- 1) բաժնետոմսերի անվանական արժեքի փոքրացմամբ,
  - 2) բաժնետոմսերի ընդհանուր քանակի պակասեցմամբ, այդ թվում Օրենքով նախատեսված դեպքերում դրանց մի մասի ձեռքբերմամբ և մարմամբ:
42. Ընկերության կանոնադրական կապիտալը թույլատրվում է նվազեցնել Օրենքով սահմանված կարգով նրա բոլոր պարտատերերին տեղեկացնելուց հետո: Այդ դեպքում Ընկերության պարտատերերն իրավունք ունեն պահանջել պարտավորությունների կատարման լրացուցիչ երաշխիքներ,



պարտավորությունների դադարեցում կամ վաղաժամկետ կատարում, ինչպես նաև վնասների հատուցում:

43. Ընկերության կանոնադրական կապիտալի նվազեցման և Ընկերության կանոնադրության մեջ համապատասխան փոփոխություններ կատարելու մասին որոշումներն ընդունվում են Ընդհանուր ժողովի կողմից՝ միայն Հայաստանի Հանրապետության կառավարության համապատասխան որոշման առկայության դեպքում:
44. Ընկերությունն իրավունք չունի նվազեցնել կանոնադրական կապիտալը, եթե դրա հետևանքով նրա չափը կդառնա ավելի փոքր Օրենքով և այլ իրավական ակտերով սահմանված Ընկերության նվազագույն կանոնադրական կապիտալից:
45. Ընկերության կանոնադրական կապիտալի նվազեցման պատճառով բաժնետիրոջ վճարումները կատարվում են Ընկերության կանոնադրության փոփոխությունների պետական գրանցումից հետո:

## V. ԲԱԺՆԵՏՈՄՍԵՐ և ԱՅԼ ԱՐԺԵԹՂԹԵՐ

46. Ընկերությունը կարող է թողարկել և տեղաբաշխել Օրենքով և այլ իրավական ակտերով սահմանված արժեթղթեր:
47. Ընկերությունն իրավունք ունի թողարկել և տեղաբաշխել միայն փաստաթղթային ձևի հասարակ (սովորական) անվանական բաժնետոմսեր:
48. Ընկերության կողմից թողարկված հասարակ (սովորական) բաժնետոմսերի անվանական արժեքը պետք է լինի միևնույնը:
49. Ընկերության բաժնետոմսերը տեղաբաշխվում են Ընկերության բաժնետերերի ունեատրում բաժնետիրոջ անձնական հաշվում գրանցման տեսքով:
50. Ընկերության Լիազորված մարմնին Ընկերության պետական գրանցումն իրականացնելուց և բաժնետոմսերի արժեքը լրիվ վճարելուց հետո Ընկերության կողմից տրվում է բաժնետոմսերի հավաստագիր (սերտիֆիկատ): Հավաստագիր տալու, այն փոխարինելու և չեղյալ ճանաչելու կարգը սահմանվում է Օրենքով և այլ իրավական ակտերով:
51. Հավաստագիրը պատրաստվում է տպագրական եղանակով և պետք է պարունակի Օրենքով սահմանված ռեկվիզիտներ:
52. Հավաստագիրը պետք է համապատասխանի Օրենքով և այլ իրավական ակտերով սահմանված արժեթղթերի պաշտպանվածության պահանջներին:
53. Բաժնետոմսն անբաժանելի է:
54. Ընկերության լրացուցիչ տեղաբաշխված բաժնետոմսերը պետք է վճարվեն դրանց տեղաբաշխման մասին որոշմամբ սահմանված ժամկետում, բայց ոչ ուշ քան դրանց տեղաբաշխման պահից 1 տարվա ընթացքում:
55. Ընկերության բաժնետոմսերի և այլ արժեթղթերի դիմաց վճարումը կարող է իրականացվել դրամով, արժեթղթով, այլ գույքով կամ գույքային իրավունքներով, ինչպես նաև դրամական գնահատում ունեցող այլ իրավունքներով:
56. Ընկերության բաժնետոմսերը և այլ արժեթղթերը, որոնց դիմաց վճարումը նախատեսված է ոչ դրամական միջոցներով, դրանց ձեռքբերման ժամանակ վճարում են լրիվ արժեքով:



57. Ինչպես Ընկերության հիմնադրման, այնպես էլ բաժնետոմսերի լրացուցիչ տեղաբաշխման ժամանակ բաժնետոմսերի դիմաց վճարվող գույքի դրամական գնահատականը սահմանվում է պետական կառավարման լիազորված մարմնի կողմից և ենթակա է գնահատման անկախ գնահատողի կողմից:
58. Ընկերության տրամադրության տակ փոխանցված բաժնետոմսերը (չվճարված կամ հետ վերադարձված) չեն տալիս ձայնի իրավունք, հաշվի չեն առնվում ձայների հաշվարկման ժամանակ, այդ բաժնետոմսերով շահութաբաժիններ չեն հաշվարկվում: Այդ բաժնետոմսերը պետք է իրացվեն Ընկերության կողմից՝ դրանք Ընկերությանը փոխանցելու պահից մեկ տարվա ժամկետում: Հակառակ դեպքում Ընդհանուր ժողովը պետք է որոշում ընդունի նշված բաժնետոմսերի մարման ճանապարհով Ընկերության կանոնադրական կապիտալի փոփոխման մասին:
59. Ընկերությունն ունի պահուստային հիմնադրամ՝ կանոնադրական կապիտալի 15 տոկոսի չափով:
60. Եթե պահուստային հիմնադրամը կազմում է Ընկերության կանոնադրությամբ սահմանվածից ավելի փոքր մեծություն, հատկացումներն այդ կապիտալին կատարվում են շահույթի 5 տոկոսի չափով, ինչպես նաև Ընկերության նոր արժեթղթերի թողարկման արժեքի և դրանց անվանական արժեքի միջև եղած տարբերությունից ստացվող միջոցներից:
61. Պահուստային հիմնադրամն օգտագործվում է Ընկերության կորուստները ծածկելու, ինչպես նաև Ընկերության պարտատոմսերը մարելու և Ընկերության բաժնետոմսերը հետ գնելու համար, եթե Ընկերության շահույթը և այլ միջոցներն այդ նպատակին չեն բավարարում:
62. Պահուստային հիմնադրամը չի կարող օգտագործվել այլ նպատակների համար (բացի Օրենքով սահմանված դեպքերից):
63. Ընդհանուր ժողովի որոշմամբ Ընկերությունը կարող է ստեղծել նաև սպառման, կուտակման, սոցիալական զարգացման և այլ հիմնադրամներ:
64. Ընկերության զուտ ակտիվների արժեքը գնահատվում է հաշվապահական հաշվեկշռի կամ աուդիտորական վերստուգման տվյալներով՝ Օրենքով և այլ իրավական ակտերով սահմանված կարգով:
65. Եթե Ընկերության գոյության երկրորդ և յուրաքանչյուր հաջորդ ֆինանսական տարվա ավարտից հետո պարզվի, որ Ընկերության զուտ ակտիվների արժեքն Ընկերության կանոնադրական կապիտալից փոքր է, ապա Ընկերությունը պարտավոր է հայտարարել և սահմանված կարգով գրանցել իր կանոնադրական կապիտալի չափի նվազեցումը:
66. Ընկերության կողմից կանոնադրական կապիտալն Օրենքով սահմանված նվազագույն չափից նվազեցնելը հանգեցնում է Ընկերության լուծարմանը:
67. Եթե սույն կանոնադրությամբ նախատեսված դեպքերում Ընկերության կանոնադրական կապիտալի չափի նվազեցման կամ Ընկերության լուծարման մասին որոշում չի ընդունվել, ապա Ընկերության բաժնետերերը և պարտատերերը, ինչպես նաև պետության կողմից լիազորված մարմիններն իրավունք ունեն պահանջել Ընկերության լուծարումը դատական կարգով:



## VI. ՀԻՄԱՆԴՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

68. Ընկերության յուրաքանչյուր հասարակ (սովորական) բաժնետոմս տալիս է իր սեփականատեր հանդիսացող բաժնետիրոջը միևնույն իրավունքներ:
69. Հասարակ (սովորական) բաժնետոմսի սեփականատեր հանդիսացող բաժնետերը իրավունք ունի՝
- 1) մասնակցել Ընկերության կառավարմանը,
  - 2) ստանալ շահութաբաժիններ Ընկերության գործունեությունից առաջացած շահույթից,
  - 3) ստանալ Ընկերության գործունեության վերաբերյալ ցանկացած տեղեկատվություն, այդ թվում՝ ծանոթանալ հաշվապահական հաշվեկշռին, հաշվետվություններին, հաշվապահական գրքերին, Ընկերության արտադրատնտեսական գործունեությանը,
  - 4) պահանջել փորձագետ կամ փորձագետների խումբ՝ Ընկերության գործունեությանը վերաբերող հաշվետվությունները և գաղտնիք ներկայացնող փաստաթղթերը ստուգելու նպատակով: Ստուգման հետ կապված ծախսերը փոխհատուցում է ստուգում պահանջող բաժնետերը,
  - 5) Ընկերության ընդհանուր ժողովներում իր իրավունքները ներկայացնելու համար լիազորել երրորդ անձի,
  - 6) Ընկերության լուծարման դեպքում ստանալ պարտատերերի հետ կատարված հաշվարկներից հետո մնացած Ընկերության գույքի իր հասանելիք մասը կամ ոչոք արժեքը,
  - 7) առաջնահերթ կարգով ձեռք բերել Ընկերության կողմից տեղաբաշխվող բաժնետոմսերը, եթե Օրենքով և Ընկերության կանոնադրությամբ այլ բան նախատեսված չի,
  - 8) օտարել կամ այլ ձևով այլ անձանց փոխանցել իր սեփականությունը հանդիսացող բաժնետոմսը,
  - 9) օգտվել Օրենքով և Ընկերության կանոնադրությամբ նախատեսված այլ իրավունքներից:
70. Բաժնետերը պարտավոր է չհրապարակել Ընկերության գործունեության վերաբերյալ գաղտնիք ներկայացնող տեղեկություններ:
71. Բաժնետերը սույն կանոնադրության 67-րդ կետով սահմանված իր իրավունքներն իրականացնում է Ընդհանուր ժողովի միջոցով, բացի Օրենքով, այլ իրավական ակտերով և սույն կանոնադրությամբ սահմանված դեպքերի:

## VII. ԸՆԿԵՐՈՒԹՅԱՆ ՇԱՀՈՒԹԱԲԱԺԻՆՆԵՐԻ ՎՃԱՐՄԱՆ ԿԱՐԳԸ

72. Ընկերությունն իրավունք ունի որոշում ընդունել (հայտարարել) տեղաբաշխված բաժնետոմսերի դիմաց միջանկյալ (եռամսյակային, կիսամյակային) և (կամ) տարեկան շահութաբաժինների վճարման մասին:
73. Շահութաբաժինները վճարվում են Ընկերության զուտ շահույթից (կուտակված շահույթից):



74. Ինչպես տարեկան, այնպես էլ միջանկյալ շահութաբաժինների վճարման, շահութաբաժնի չափի և դրա վճարման ձևի մասին որոշումն ընդունվում է Ընդհանուր ժողովի որոշմամբ:
75. Ընդհանուր ժողովն իրավունք ունի որոշում ընդունել շահութաբաժիններ չվճարելու կամ ոչ լրիվ չափով վճարելու մասին: Այդ որոշումների գործունեության ժամկետը սահմանվում է Ընդհանուր ժողովի կողմից, բայց չի կարող մեկ տարուց ավելի լինել:
76. Շահութաբաժինների վճարման ամսաթիվը սահմանվում է Ընդհանուր ժողովի շահութաբաժիններ վճարելու մասին որոշմամբ:
77. Ընկերությունն իրավունք չունի շահութաբաժիններ հայտարարել և վճարել, եթե՝
- 1) լրիվ չի վճարվել Ընկերության կանոնադրական կապիտալը,
  - 2) շահութաբաժիններ վճարելու որոշումն ընդունելու պահի դրությամբ Ընկերության տնտեսական վիճակը համապատասխանում է Օրենքով սահմանված անվճարունակության (սնանկության) հայտանիշներին, կամ նշված հայտանիշներն ի հայտ կգան շահութաբաժինների վճարման հետևանքով,
  - 3) Ընկերության զուտ ակտիվների արժեքը պակաս է Ընկերության կանոնադրական կապիտալից, կամ կպակասի շահութաբաժինների վճարման հետևանքով:

### VIII. ԸՆԿԵՐՈՒԹՅԱՆ ԿԱՌԱՎԱՐՄԱՆ ՄԱՐՄԻՆՆԵՐԸ

78. Ընկերության կառավարման բարձրագույն մարմինն Ընկերության բաժնետերերի ընդհանուր ժողովն է, որը հանդիսանում է պետական կառավարման այն մարմնի ղեկավարը, որին վերապահված են Ընկերության կողմից տեղաբաշխված բաժնետոմսերի կառավարման լիազորությունները:
79. Ընկերությունը պարտավոր է ամեն տարի գումարել բաժնետերերի ընդհանուր ժողով՝ բաժնետերերի ընդհանուր տարեկան ժողով:
80. Ընկերության բաժնետերերի ընդհանուր տարեկան ժողովը գումարվում է հերթական ֆինանսական տարվա ավարտից երկու ամիս հետո մեկ ամսվա ընթացքում:
81. Բաժնետերերի տարեկան ժողովից բացի գումարվող Ընկերության բաժնետերերի ընդհանուր ժողովները համարվում են արտահերթ: Ընկերության արտահերթ ժողովներ գումարվում են անհետաձգելի հարցերի քննարկման համար:
82. Ընկերության բաժնետերերի, ինչպես տարեկան, այնպես էլ արտահերթ ընդհանուր ժողովները գումարվում են Լիազորված մարմնի կողմից (բացառությամբ Օրենքի 74-րդ հոդվածի 6-րդ մասով նախատեսված դեպքերի), որը որոշում է.
- 1) Ընկերության բաժնետերերի ընդհանուր ժողովի գումարման տարին, ամիսը, ամսաթիվը, տեղը և ժամանակը,
  - 2) Ընկերության բաժնետերերի ընդհանուր ժողովի օրակարգը:
83. Ընկերության բաժնետերերի ընդհանուր ժողովներում նախագահում է Ընդհանուր ժողովի կողմից նշանակված անձը:
84. Ընդհանուր ժողովի իրավասությանն են պատկանում՝



- 1) Ընկերության կանոնադրության մեջ փոփոխությունների և լրացումների կատարումը, Ընկերության կանոնադրության հաստատումը նոր խմբագրությամբ,
- 2) Ընկերության վերակազմակերպումը,
- 3) Ընկերության լուծարումը,
- 4) լուծարային հանձնաժողովի նշանակումը, ամփոփ, միջանկյալ և լուծարային հաշվեկշիռների հաստատումը,
- 5) Ընկերության գործունեության հիմնական ուղղությունների որոշումը,
- 6) հայտարարված բաժնետոմսերի ծավալի առավելագույն չափի սահմանումը,
- 7) բաժնետոմսերի անվանական արժեքի ավելացման կամ լրացուցիչ բաժնետոմսերի տեղաբաշխման ճանապարհով Ընկերության կանոնադրական կապիտալի չափի ավելացումը,
- 8) բաժնետոմսերի անվանական արժեքի փոքրացման, բաժնետոմսերի հետ գնման և մարման միջոցով Ընկերության կանոնադրական կապիտալի չափի նվազեցումը,
- 9) բաժնետոմսերի անվանական արժեքի փոքրացումը (տարանջատումը) և մեծացումը (համախմբումը),
- 10) Ընկերության կողմից տեղաբաշխված բաժնետոմսերի ձեռքբերումը և հետգնումը,
- 11) Ընկերության պահուստային հիմնադրամի օգտագործումը,
- 12) Ընկերության վերստուգող հանձնաժողովի (վերստուգողի) ընտրությունը և նրա լիազորությունների վաղաժամկետ դադարեցումը,
- 13) Ընկերության աուդիտն իրականացնող անձի (կազմակերպություն կամ Ֆիզիկական անձ) (այսուհետ՝ Աուդիտոր) հաստատումը,
- 14) Ընկերության տարեկան հաշվետվությունների, հաշվապահական հաշվեկշիռների, շահույթների և վնասների հաշվի, շահույթների և վնասների բաշխման հաստատումը, շահութաբաժինների վճարման մասին որոշման ընդունումը և շահութաբաժինների չափի հաստատումը,
- 15) Ընկերության գույքի շուկայական արժեքի որոշումը,
- 16) օտարման և ձեռքբերման հետ կապված խոշոր գործարքների կնքումը, այդ թվում այլ կազմակերպություններին մասնակցելը,
- 17) Ընկերության տնօրենի նշանակումը, նրա լիազորությունների վաղաժամկետ դադարեցումը,
- 18) Ընկերության գործադիր մարմնի ձևավորումը, նրա լիազորությունների վաղաժամկետ դադարեցումը, տնօրենի, տնօրինության անդամների վարձատրության և ծախսերի փոխհատուցումների վճարման կարգը և պայմանները,
- 19) Ընկերության կառավարման մարմինների գործունեությունը կանոնակարգող ներքին փաստաթղթերի հաստատումը,
- 20) ղեկավար, պաշտոնատար անձանց և Աուդիտորի աշխատանքի վարձատրման պայմանների որոշումը,
- 21) Ընկերության վարչակազմակերպական կառուցվածքի և հաստիքացուցակի հաստատումը,



- 22) Ընկերության կողմից դուստր ընկերությունների ստեղծումը, դուստր և կախյալ ընկերություններում մասնակցությունը,
- 23) Ընկերության առանձնացված ստորաբաժանումների և հիմնարկների ստեղծումը, գործունեության դադարեցումը, դրանց կանոնադրությունների հաստատումը,
- 24) այլ կազմակերպություններին մասնակցելը,
- 25) այլ հարցեր, որոնք Օրենքով սահմանված են որպես Ընդհանուր ժողովի կամ Ընկերության տնօրենների խորհրդի (դիտորդ, խորհրդի) իրավասության հարցեր:
85. Սույն կանոնադրության 83-րդ կետի 2-րդ, 5-րդ, 9-րդ, 10-րդ, 14-րդ, 16-րդ, 18-րդ, 19-րդ, 20-րդ, 22-րդ, 23-րդ և 24-րդ ենթակետերով նախատեսված դեպքերում որոշումներն ընդունվում են Ընդհանուր ժողովի կողմից տնօրենի ներկայացմամբ:
86. Ընդհանուր ժողովի որոշումներն ընդունվում են ժողովին մասնակցող ձայնի իրավունք տվող բաժնետոմսերի սեփականատերերի ձայների պարզ մեծամասնությամբ, բացի սույն կանոնադրության 84-րդ կետով սահմանված դեպքերից:
87. Սույն կանոնադրության 83-րդ կետի 1-ին, 2-րդ, 4-րդ, 6-րդ և 16-րդ ենթակետերով սահմանված հարցերի մասին որոշումներն ընդունվում են Ընդհանուր ժողովի կողմից ժողովին մասնակցող ձայնի իրավունք տվող բաժնետոմսերի սեփականատերերի ձայների երեք քառորդով:
88. Սույն կանոնադրության 83-րդ կետի 11-րդ ենթակետով սահմանված հարցերի վերաբերյալ Ընդհանուր ժողովի որոշումներն ընդունվում են Ընդհանուր ժողովի կողմից սահմանված կարգի համաձայն:
89. Ընդհանուր ժողովի որոշումները (բացի 83-րդ կետի 11-րդ ենթակետով սահմանված հարցերի վերաբերյալ որոշումների), կարող են ընդունվել առանց ժողովի գումարման՝ հեռակա կարգով քվեարկությամբ (Լիազորված մարմնին հարցման միջոցով):
90. Սույն կանոնադրության 83-րդ կետի 2-րդ, 3-րդ և 8-րդ ենթակետերով սահմանված հարցերի վերաբերյալ Ընդհանուր ժողովի որոշումներն ընդունվում են (այդ թվում՝ Լիազորված մարմնի որոշումները) միայն Հայաստանի Հանրապետության կառավարության համապատասխան որոշման առկայության դեպքում:
91. Սույն կանոնադրության 83-րդ կետի 2-րդ ենթակետով սահմանված հարցերի վերաբերյալ Ընդհանուր ժողովի որոշումներն ընդունվում են սույն կանոնադրության 113-րդ կետով սահմանված կարգով:
92. Ընկերության բաժնետերերի ընդհանուր ժողովին մասնակցելու իրավունք ունեն Ընկերության Լիազորված մարմինը կամ նրա կողմից լիազորված անձը՝ Լիազորված մարմնի կողմից սահմանված լիազորությունների շրջանակում, Ընկերության տնօրենը, ինչպես նաև վերստուգող հանձնաժողովի անդամները և Առդիտորը:
93. Ընկերության տնօրենը, ինչպես նաև վերստուգող հանձնաժողովի անդամները Ընկերության բաժնետերերի ընդհանուր ժողովին մասնակցում են խորհրդակցական ձայնի իրավունքով:



94. Ընկերության ընթացիկ գործունեության ղեկավարումն իրականացնում է Ընկերության տնօրենը:

95. Տնօրենը լուծում է բոլոր հարցերը, բացի Ընդհանուր ժողովի իրավասությանը վերաբերող հարցերից: Տնօրենը կազմակերպում է Ընդհանուր ժողովի որոշումների կատարումը, հաշվետու է նրան և իրավունք չունի Ընդհանուր ժողովի համար պարտադիր որոշումներ կայացնելու:

96. Ընկերության տնօրենը պետք է գործի բարեխղճորեն և ողջամիտ՝ ի շահ իր կողմից ներկայացվող Ընկերության: Նա պարտավոր է Ընկերության բաժնետիրոջ պահանջով հատուցել իր կողմից Ընկերությանը պատճառված վնասները, եթե այլ բան նախատեսված չէ Օրենքով կամ պայմանագրով:

97. Ընկերության տնօրենը՝

- 1) տնօրինում է Ընկերության գույքը, այդ թվում՝ ֆինանսական միջոցները, գործարքներ կատարում Ընկերության անունից,
- 2) ներկայացնում է Ընկերությունը Հայաստանի Հանրապետությունում և արտասահմանում,
- 3) գործում է առանց լիազորագրի,
- 4) տալիս է լիազորագրեր,
- 5) սահմանված կարգով կնքում է պայմանագրեր, այդ թվում՝ աշխատանքային,
- 6) բանկերում բացում է Ընկերության հաշվարկային (այդ թվում՝ արտարժույթային) և այլ հաշիվներ,
- 7) առաջարկություններ է նախապատրաստում Ընկերության բաժնետոմսերի դիմաց վճարվող շահութաբաժինների չափի և վճարման կարգի վերաբերյալ,
- 8) Ընդհանուր ժողովի հաստատմանն է ներկայացնում Ընկերության աշխատանքային կանոնակարգը, առանձնացված ստորաբաժանումների և հիմնարկների կանոնադրությունները, Ընկերության վարչակազմակերպական կառուցվածքը, հաստիքացուցակը,
- 9) իր իրավասության սահմաններում արձակում է հրամաններ, հրահանգներ, տալիս է կատարման համար պարտադիր ցուցումներ և վերահսկում դրանց կատարումը:
- 10) սահմանված կարգով աշխատանքի է ընդունում և աշխատանքից ազատում Ընկերության աշխտակիցներին:
- 11) աշխատակցի նկատմամբ կիրառում է խրախուսման և կարգապահական պատասխանատվության միջոցներ:
- 12) Ընդհանուր ժողովի որոշմամբ Ընկերության գործադիր մարմնի (ինչպես միանձնյա, այնպես էլ կոլեգիալ) լիազորությունները պայմանագրով կարող են տրվել այլ առևտրային կազմակերպության կամ անհատ ձեռնարկատիրոջ (կառավարչի):

IX. ԸՆԿԵՐՈՒԹՅԱՆ ՖԻՆԱՆՍԱՏՆՏԵՍԱԿԱՆ ԳՈՐԾՈՒՆԵՈՒԹՅԱՆ ՎԵՐԱՀՍԿՈՒՄԸ

98. Ընկերության ֆինանսատնտեսական գործունեության վերահսկումն ու ստուգումն իրականացնում են վերստուգող հանձնաժողովը, կամ Աուդիտորը:



99. Վերստուգող հանձնաժողովը կամ Աուդիտորը հետևում են Ընկերության կառավարման մարմինների որոշումների կատարմանը, ստուգում է Ընկերության փաստաթղթերի համապատասխանությունն օրենքներին, այլ իրավական ակտերին և Ընկերության կանոնադրությանը:
100. Վերստուգող հանձնաժողովի գործունեության կարգը սահմանվում է Ընդհանուր ժողովի կողմից:
101. Վերստուգող հանձնաժողովը կամ Աուդիտորը իրականացնում են Ընկերության ֆինանսատնտեսական գործունեության տարեկան արդյունքների ստուգումը, ստուգում են Ընկերության ֆինանսատնտեսական գործունեությունն Ընդհանուր ժողովի որոշմամբ:
102. Վերստուգող հանձնաժողովը կամ Աուդիտորը ստուգումների արդյունքներն ուղարկում են Ընդհանուր ժողովին: Վերստուգող հանձնաժողովը կամ Աուդիտորը ըստ տարեկան հաշվետվության և հաշվեկշռի կազմում են եզրակացություն: Առանց այդ եզրակացության Ընկերության հաշվեկշիռը ենթակա չէ հաստատման Ընդհանուր ժողովի կողմից:
103. Վերստուգող հանձնաժողովն իրավունք ունի պահանջել Ընկերության բաժնետերերի արտահերթ ընդհանուր ժողովի գումարում:
104. Վերստուգող հանձնաժողովի (վերստուգողի) կամ Աուդիտորի պահանջով նրան պետք է ներկայացվեն Ընկերության, դրա առանձնացված ստորաբաժանումների և հիմնարկների ֆինանսատնտեսական գործունեությանը վերաբերող բոլոր անհրաժեշտ փաստաթղթերը, նյութերը և բացատրությունները:
105. Վերստուգող հանձնաժողովի անդամներն (վերստուգողը) ընտրվում են Ընկերության բաժնետերերի ընդհանուր ժողովի կողմից երեք տարի ժամկետով:
106. Վերստուգող հանձնաժողովի անդամները (վերստուգողը) հաշվետու են Ընդհանուր ժողովին:
107. Վերստուգող հանձնաժողովի անդամների (վերստուգողի) և Աուդիտորի վարձատրության կամ վճարվող փոխհատուցման չափերը և պայմանները սահմանվում են Ընդհանուր ժողովի որոշմամբ:
108. Վերստուգող հանձնաժողովի անդամ (վերստուգող) կամ Աուդիտոր կարող են լինել Ընկերության կառավարման մարմիններում չընդգրկված, Ընկերության, կամ Լիազորված մարմնի հետ գույքային շահերով չկապված բաժնետիրոջ, հիմնադրի կամ Ընդհանուր ժողովի կողմից լիազորված ֆիզիկական կամ իրավաբանական անձ:
109. Վերստուգող հանձնաժողովի նախագահն ընտրվում է վերստուգող հանձնաժողովի անդամների ձայների պարզ մեծամասնությամբ:
110. Ընդհանուր ժողովի որոշմամբ վերստուգիչ հանձնաժողովի իրավասությունները կարող են դրվել վերստուգողի վրա:
111. Աուդիտորի հետ պայմանագիրը կնքվում է Ընկերության տնօրենի կողմից:
112. Ընկերության ֆինանսական և տնտեսական գործունեության ստուգումը կարող է իրականացվել նաև Հայաստանի Հանրապետության ֆինանսական և այլ լիազորված մարմինների, հսկողական ծառայությունների կողմից՝ իրենց իրավասության սահմաններում:



X. ԸՆԿԵՐՈՒԹՅԱՆ ՄԱՍՆԱՃՅՈՒՂԵՐ ԵՎ ՆԵՐԿԱՅԱՑՈՒՑՉՈՒԹՅՈՒՆՆԵՐ

113. Հայաստանի Հանրապետության տարածքում և նրանից դուրս Ընկերությունը չունի մասնաճյուղեր և ներկայացուցչություններ:

XI. ԸՆԿԵՐՈՒԹՅԱՆ ԿԱՆՈՆԱԴՐՈՒԹՅԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼԸ

114. Ընկերության կանոնադրության մեջ փոփոխություններ և լրացումներ կատարելը, ինչպես նաև Ընկերության նոր խմբագրությամբ կանոնադրության հաստատելը տեղի է ունենում Ընդհանուր ժողովի որոշմամբ, որն ընդունվում է ժողովին մասնակցած քվեարկող բաժնետերերի ձայների երեք քառորդով, իսկ կանոնադրական կապիտալի չափի մեծացման հետ կապված դեպքերում՝ ձայների մեծամասնությամբ:

115. Ընկերության կանոնադրության մեջ կատարված փոփոխությունները և լրացումները, ինչպես նաև Ընկերության նոր խմբագրությամբ կանոնադրություններ որդ անձանց համար ուժի մեջ են մտնում դրանց պետական գրանցման պահից, իսկ սույն կանոնադրությամբ սահմանված դեպքերում՝ պետական գրանցումն իրականացնող մարմնին ծանուցելու պահից: Սակայն Ընկերությունը և նրա բաժնետերերը նման փոփոխությունները հաշվի առած երրորդ անձանց հետ ունեցած հարաբերություններում իրավունք չունեն վկայակոչել այդ փոփոխությունների գրանցման բացակայությունը:

XII. ԸՆԿԵՐՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

116. Ընդհանուր ժողովի որոշմամբ կարող է կամովին վերակազմակերպվել կամ լուծարվել:

117. Եթե լուծարվող ընկերության գույքի արժեքն անբավարար է պարտատերերի պահանջները բավարարելու համար, ապա այն կարող է լուծարվել միայն սնանկության հետևանքով:

118. Ընկերության վերակազմակերպման և լուծարման այլ հիմքերը, ինչպես նաև նրա վերակազմակերպման ու լուծարման կարգը սահմանվում է Օրենսգրքով, Օրենքով և այլ օրենքներով:

119. Ընկերությունը կարող է վերակազմակերպվել Օրենքով սահմանված կարգով միաձուլման, միացման, բաժանման, առանձնացման և վերակազմավորման միջոցով:

120. Ընկերության վերակազմավորումն ոչ պետական կամ պետական մասնակցությամբ ընկերության (ընկերությունների) իրականացվում է պետական գույքի մասնավորեցումը (սեփականաշնորհումը) կարգավորող օրենքին և այլ իրավական ակտերին համապատասխան:



121. Ընկերության միացումը կամ միաձուլումը ոչ պետական ընկերությունների հետ համարվում է մասնավորեցում և իրականացվում է պետական գույքի մասնավորեցումը (սեփականաշնորհումը) կարգավորող օրենքին և այլ իրավական ակտերին համապատասխան:
122. Բացի վերը նշված դեպքերից, Ընկերությունը կարող է վերակազմակերպվել Հայաստանի Հանրապետության կառավարության համապատասխան որոշմամբ:
123. Ընկերության լուծարումը հանգեցնում է Ընկերության դադարմանն առանց Ընկերության իրավունքերի և պարտականությունների իրավահաջորդության կարգով այլ անձանց փոխանցման:
124. Ընկերության լուծարման և լուծարային հանձնաժողովի ստեղծման մասին որոշումը կայացնում է Ընդհանուր ժողովը՝ քվեարկող բաժնետոմսերի սեփականատերերի ձայների ոչ պակաս, քան 2/3-ով:
125. Լուծարային հանձնաժողովի կազմում պետք է ընդգրկվեն Լիազորված մարմնի ներկայացուցիչներ:
126. Լուծարման հանձնաժողով կազմելու պահից նրան են անցնում Ընկերության գործերի կառավարման բոլոր լիազորությունները: Լուծարվող Ընկերության անունից դատարանում հանդես է գալիս լուծարման հանձնաժողովը:
127. Նախքան լուծարման մասին որոշում ընդունելն Ընդհանուր ժողովը պետք է հաստատի տնօրենի կողմից ներկայացված ամփոփիչ հաշվեկշիռը ու Ընկերության լուծարման նախագիծը:
128. Ընկերության լուծարման գործընթացում գտնվելու մասին տեղեկություններն (այդ թվում՝ լուծարման հանձնաժողովի կազմը) ենթակա են գրանցման իրավաբանական անձանց պետական գրանցամատյանում:
129. Լուծարումն իրականացվում է Օրենքով և այլ իրավական ակտերով սահմանված կարգով:
130. Ընկերությունը, բացառությամբ այլ իրավաբանական անձի միացման ձևով վերակազմակերպման դեպքի, վերակազմակերպված է համարվում նոր ստեղծված իրավաբանական անձանց պետական գրանցման պահից:
131. Ընկերությունն այլ իրավաբանական անձի հետ միացման ձևով վերակազմակերպվելիս՝ նրանք վերակազմակերպված են համարվում միացող Ընկերության գործունեությունը դադարելու վերաբերյալ իրավաբանական անձանց պետական գրանցամատյանում գրառման պահից:
132. Ընկերության լուծարումը համարվում է ավարտված, իսկ նրա գոյությունը՝ դադարած այդ մասին իրավաբանական անձանց պետական գրանցամատյանում համապատասխան գրանցում կատարելու պահից: